

Agarre Zaldibi (Arre Zaldibi)



AIESTARAN AMUNDARAIN familia

ARRE ZALDIBI Elbarrena auzoko baserria da. In-
guruko soroen izenen artean *Etxaburu*, *Etxeaz-
pi*, *Goikosoro* eta *Okorro* dituzte. Etxe jabe dira eta
etxea konpontzen aritu dira pixkanaka-pixkanaka.
Etxeraino dute bidea.

Juxto Aiestaran eta Maria Garmendia 1918an ez-
kondu ziren. Maria Garmendia *Zuazti* baserrikoa
zen eta Juxto etxeko semea.

Hurrengo belaunaldian, 1959an, Zaldibin ezkondu
ziren Nikolax Aiestaran eta Joanita Amundarain,
Altzoko *Etxe Luzekoa*. Tolosako *Benta Aundin* egin
otordua eta ezkontza bidaian Iruñera eta Zarago-
zara joan ziren.

Ezkontza bidaiatik etorri zirenerako etxean zain
zeuzkaten artoa egiteko, eta ukuiluan ximaurrek
ateratzen aritu omen zen Joanita. Ez omen zaio
harez gero ahaztu.

Etxetik herriko plazara, oinez, bost minutuko bidea
dago eta oinez joaten ziren eskolara ere.

Nikolaxek Fabrika Handian egiten zuen lan 1950
urtez geroztik eta lanera bizikletan joaten zen. Bai-
na etxean bazituzten behiak (lau buru), eta etxe-
rako adina sagar, arrautza eta babarrun ere izaten
zuten.

Baserriaren arrastoa idatzietan

Agirre Zaldibia, *Agirre Urretarekin* batera
agertzen da 1783ko abenduaren 17an Aralar
eta Enerioko mendien jabetzako auzietan
botere emaileen artean.

Informazio emailea: Joanita Amundarain



AIESTARAN MURUA familia

Maria Lorentza, Marife, Dolores eta Maria (alabak) / Maria Garmendia (erraina), Markox Aiestaran (aita), Joxepa Murua (ama), Juxto (semea) / Rufina eta Pepita (bilobak).



AIESTARAN GARMENDIA familia

Juxto (aita), Bixi Barandiaran, Joxe Mari eta Maria (ama).



AIESTARAN GARMENDIA familia

Mari Karmen, Pako, Sinforosa, Nikolax eta Joxe Mari.



AIESTARAN AMUNDARAIN familia.
1959

Joanita eta Nikolax.



AIESTARAN AMUNDARAIN familia

Nikolax (aita), Begoña, Joanita (ama), Andoni, Arantxa eta Agurtzane.